

JINKONTKU IMECHA JINKONI ÉNKAKSÍ NO SÉSI AMPE NIATKA TUMINA AMPE JINKONI



México exekuarsinti eska sánteru úranaxaka marhoatakuechani éнка tumina ampe manatka xarhatakuecharhu, éнка sánteru sóntku manhatka tumina ampe uanikua k'uiripuecheri, joperu ístu xarharsinti jimpani úkuecha éнка no sési ampe niatakueka.

Ampe éнка úetarka úni:

- Ásí míta xarhatakuechani o correo arhíkata éнка no mintsínharikueka, ístu ásí mókuntsi énkaksini ariaka eska andaskari ampe oksini sési ampe aiácheni.
- Ásí jama íntspeni aiánkperhata ampe éнка chitika, cheti tarjeta arhíkata o karákuarhinti internet jimpo éнка no mintsínharikueka o énkari no mítika.
- Exé sési eska ima aiánkperhata ampe énkaksini axáchika jintekaksi mintsínharikuerini banco arhíkatecheri.
- Énkaksini uantajpaka banco arhíkatarhu ma uératini, exé sesi eska mintsínharikueka ka sési eraparhakuntsi ampe énkari úaka aiánkpeni.
- Ánchitpiriecha empresa arhíkatecha ka banco arhíkatecha NOMENI kurhácheatiksini cheti ampe jakankurhikua tarjeta arhíkatecheri uantajpitarhakua jimpo o internet jimpo énkari no t'u uénaka imani niatakuani, ka ni jini banco arhíkatarhu.



Miá eska orhetku énkari uekaka úrani naki uéjki xarhatakuechani énkaksí tumina ampe manatka jukaparhakuesti eskari exéaka ka arhintani iamú niatakuechani éнка ima orhéjtsikukua éнка tumina ampe xanhatka ka míti nena éнка kuajchakuaka úra'kaksi.

¡KURHÁNKUARI KA KUAJCHAKUARI NO SÉSI NIATAKUECHI AMPE!